



JAVNA USTANOVA DOM ZDRAVLJA KANTONA SARAJEVO



Zlatna kruna za kvalitet
London 2004

- UPRAVNI ODBOR -

Kanton Sarajevo, Federacija BiH, Bosna i Hercegovina
Public Institution Medical Center of Canton Sarajevo
Canton Sarajevo, Federation of BiH, Bosnia and Herzegovina



Platinasta kruna za kvalitet
Ženeva 2005



PRAVILNIK O PEČATU I ŠTAMBILJU USTANOVE

Sarajevo, Juni 2010. godine

Vrazova 11, 71000 Sarajevo, Bosna i Hercegovina. Identifikacioni broj: 4200174570004, Poreski broj:
1073217

Tel: ++387 33 66 46 36, fax: ++387 33 71 32 10, www.judzks.ba, e-mail: kjudzs@bih.net.ba



JAVNA USTANOVA DOM ZDRAVLJA KANTONA SARAJEVO




Zlatna kruna za kvalitet
London 2004

Kanton Sarajevo, Federacija BiH, Bosna i Hercegovina
Public Institution Medical Center of Canton Sarajevo
Canton Sarajevo, Federation of BiH, Bosnia and Herzegovina



Platinasta kruna za kvalitet
Ženeva 2005



Na osnovu člana 27. Statuta Javne ustanove Dom zdravlja Kantona Sarajevo, br: 01-1-1209-2 od 19.04.2002. godine, Odluke o izmjenama i dopunama Statuta Javne ustanove Dom zdravlja Kantona Sarajevo, br: 01-1-4469 od 8.07.2008. godine („Sl. novine Kantona Sarajevo“ br. 30/08), člana 2. stav 2. Zakona o pečatu Kantona Sarajevo („Sl. novine Kantona Sarajevo“ br. 9/99), Upravni odbor Javne ustanove Dom zdravlja Kantona Sarajevo na Trinaestoj sjednici održanoj dana 29.06.2010.godine, donosi:

PRAVILNIK O PEČATU I ŠTAMBILJU USTANOVE

I OPŠTE ODREDBE

Član 1.

Ovim Pravilnikom se u skladu sa Zakonom uređuje izrada, upotreba, čuvanje i uništavanje pečata i štambilja Javne ustanove Dom zdravlja Kantona Sarajevo (u daljem tekstu: Ustanova).

Član 2.

Ustanova ima velike pečate koji su okruglog oblika (50mm) i male pečate koji su također okruglog oblika (30mm), čiji su broj i sadržaj utvrđeni Statutom Ustanove.

Ustanova ima štambilje pravougaonog oblika čiji su broj i sadržaj utvrđeni Statutom Ustanove.

Član 3.

Pečati i štambilji iz prethodnog člana upotrebljavaju se na način propisan Zakonom i ovim Pravilnikom.

Član 4.

Otisci svih pečata, odnosno štambilja Ustanove sa brojem, stavljaju se u Knjigu evidencije pečata i štambilja Ustanove, sa naznakom uposlenika ovlaštenog za njihovu upotrebu.

Knjiga evidencije iz prethodnog stava nalazi se kod generalnog direktora Ustanove.

II IZRADA PEČATA I ŠTAMBILJA

Član 5.

Pečate i štambilje za potrebe Ustanove izrađuje ovlaštena pečatoreznica i to na pismeni zahtjev generalnog direktora Ustanove.

III UPOTREBA PEČATA I ŠTAMBILJA USTANOVE

Član 6.

Velikim pečatom Ustanove potvrđuje se autentičnost službenih akata kojima Ustanova odlučuje ili službeno kontaktira sa drugim organima, pravnim osobama ili fizičkim licima.



JAVNA USTANOVA DOM ZDRAVLJA KANTONA SARAJEVO



Zlatna krana za kvalitet
London 2004

Kanton Sarajevo, Federacija BiH, Bosna i Hercegovina
Public Institution Medical Center of Canton Sarajevo
Canton Sarajevo, Federation of BiH, Bosnia and Herzegovina



Platinasta krana za kvalitet
Ženeva 2005

Član 7.

Na svakom aktu Ustanove koji se otprema stavlja se sa lijeve strane potpisa ovlaštene osobe otisak pečata Ustanove, tako da otisak pečata ne zahvati tekst naziva funkcije potpisnika akta.

Član 8.

Male pečate Ustanove imaju i upotrebljavaju organizacione jedinice Ustanove, a koriste ih za potvrđivanje autentičnosti akata u međusobnoj komunikaciji unutar Ustanove na način propisan prethodnim članom.

Član 9.

Pečate Ustanove (velike i male) mogu upotrebljavati uposlenici Ustanove koje posebnim rješenjem ovlasti generalni direktor Ustanove.

Rješenje iz prethodnog stava je sastavni dio personalnog dosjea ovlaštenog uposlenika.

Osim osoba navedenih u stavu 1. ovog člana, niti jedna druga osoba ne može upotrebljavati pečate Ustanove.

Član 10.

Štambilje Ustanove mogu upotrebljavati samo uposlenici koji su rasporedom poslova raspoređeni na određena radna mjesta na kojima se upotrebljavaju štambilje Ustanove.

Uposlenici Ustanove iz prethodnog stava mogu u svom radu upotrebljavati samo one štambilje Ustanove koji se upotrebljavaju u okviru poslova i zadataka radnog mjesta na koje su raspoređeni.

Prilikom upotrebe štambilja Ustanove, uposlenici Ustanove dužni su štambilje upotrebljavati na način propisan ovim Pravilnikom.

III ČUVANJE PEČATA I ŠTAMBILJA USTANOVE

Član 11.

Kada se ne upotrebljavaju, pečati i štambilje Ustanove moraju biti u ladici i pod ključem kako bi se spriječila njihova zloupotreba.

Pečati i štambilje Ustanove mogu se nalaziti na radnom stolu samo za vrijeme koje je potrebno da bi se odgovarajući akt ovjerio, odnosno da bi se stavio otisak štambilja, nakon čega se moraju odmah vratiti u ladicu i držati pod ključem.

Član 12.

Kada to potrebe posla nalažu, pečati, odnosno štambilje Ustanove mogu se iznositi i upotrebljavati izvan zgrade Ustanove samo na osnovu odobrenja generalnog direktora Ustanove, odnosno lica koje ga u tom trenutku zamjenjuje (veliki pečat br. 2)



JAVNA USTANOVA DOM ZDRAVLJA KANTONA SARAJEVO



Zlatna kruna za kvalitet
London 2004

Kanton Sarajevo, Federacija BiH, Bosna i Hercegovina
Public Institution Medical Center of Canton Sarajevo
Canton Sarajevo, Federation of BiH, Bosnia and Herzegovina



Platinasta kruna za kvalitet
Ženeva 2005



Član 13.

Osobe koje su u skladu sa članom 9. i 10. ovog Pravilnika ovlaštene da upotrebljavaju pečate i štambilje Ustanove, odgovorne su i za njihovo čuvanje.

Pečati, odnosno štambilji Ustanove mogu se nalaziti samo kod osoba koje su ovim Pravilnikom odgovorne za njihovo čuvanje.

Član 14.

Ako pečati, odnosno štambilji nestanu, osobe iz prethodnog člana dužne su da o tome odmah obavijeste Policijsku upravu i generalnog direktora Ustanove, kao i da mu odmah dostave pisani izvještaj koji će sadržati detaljne informacije o načinu nestanka istih.

Generalni direktor će, nakon što razmotri izvještaj iz stava 1. ovog člana, preduzeti aktivnosti u skladu sa Zakonom i ovim Pravilnikom.

Nestanak pečata, odnosno štambilja Ustanove mora se oglasiti u Službenim novinama Kantona Sarajevo.

Nestali pečat, odnosno štambilj smatra se nevažećim od dana oglašavanja iz prethodnog stava, a u slučaju kasnijeg pronalaženja, nevažeći pečat, odnosno štambilj će se uništiti na način i po postupku kako je to propisano ovim Pravilnikom.

Član 15.

Novi pečat, odnosno štambilj iz stava 4. prethodnog člana, koji se izrađuje umjesto nestalog, mora biti posebno označen.

IV UNIŠTAVANJE PEČATA I ŠTAMBILJA

Član 16.

Kada je pečat, odnosno štambilj Ustanove zbog istrošenosti ili iz drugih razloga postao neupotrebljiv, kao i u slučaju promjene naziva ili njegovog dijela sadržanog u pečatu, odnosno štambilju Ustanove, osobe koje su ovlaštene za upotrebu pečata ili štambilja Ustanove dužne su o tome u pisanom obliku odmah obavijestiti generalnog direktora.

Pečat, odnosno štambilj smatra se neupotrebljivim zbog istrošenosti kad se iz njegovog otiska jasno ne vidi tekst koji daje otisak, te se isti mora odmah uništiti.

Nakon što razmotri opravdanost obavještenja iz stava 1. ovog člana, generalni direktor će formirati komisiju za uništenje pečata, odnosno štambilja Ustanove koji su postali neupotrebljivi.

U komisiju iz prethodnog stava ovog člana ne mogu se imenovati uposlenici iz člana 9. i 10. ovog Pravilnika.

Komisija iz prethodnog stava u obavezi je da popiše neupotrebljive pečate, odnosno štambilje i da u knjigu pečata i štambilja evidentira otisak neupotrebljivih pečata i štambilja koje treba uništiti.

Uništavanje će vršiti komisija iz prethodnog stava uz prisustvo lica koje za to ovlasti generalni direktor, nakon čega će se istom dostaviti zapisnik o uništenju sa evidencijom otisaka neupotrebljivih pečata, odnosno štambilja koji su uništeni.



JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina
Public Institution Medical Center of Canton Sarajevo
Canton Sarajevo, Federation of BiH, Bosnia and Herzegovina



Zlatna kruna za kvalitet
London 2004



Platinasta kruna za kvalitet
Ženeva 2005



V ODGOVORNOST ZA UPOTREBU I ČUVANJE PEČATA

Član 17.

Svi uposlenici koji su ovlašteni za rukovanje i upotrebu pečata i štambilja Ustanove moraju se odgovorno odnositi prema upotrebi i čuvanju istih i koristiti ih samo kako je to propisano ovim Pravilnikom.

Svaka neovlaštena upotreba pečata, odnosno štambilja Ustanove predstavlja težu povredu radne dužnosti, a zloupotreba istih podliježe i krivičnoj odgovornosti.

VI PRELAZNE I ZAVRŠNE ODREDBE

Član 18.

Izmjene i dopune ovog Pravilnika vrše se po postupku za njegovo donošenje.

Član 19.

Ovaj Pravilnik stupa na snagu danom donošenja.

Član 20.

Stupanjem na snagu ovog Pravilnika, prestaje da važi Uputstvo o korištenju, raspolaganju i čuvanju pečata i štambilja br: 01-1-3659 od 17.12.2003. godine.

**PREDSJEDNIK
UPRAVNOG ODBORA**

Avdija Numanović, dipl pravnik

Broj: 01-01-5308-10/10
Datum 29.06.2010. godine